

IH KAHANSANAN DO TUHUN NGAVI

14 September 2023

Agazo ginavo ku om monongkongkotohud zou do tuhun zou Malaysia.

Minundahiu zou do doihio id hamin vagu ku id Damansara di toun. Pinoiho zou di Ina ku do ih nopo di insan timpu di poguhui, tuhun tongopuavang no oh koima'u do mizon do id Damansara tu hamin nopo ngavi do doihio nga ongogingo om nangapangazan do hoogo. Kazaan doid Kinoingan, tu kotimpuan nopo do polinta ih kopomuhominan di oopudan-momohi di togumu, sukod vagu miaga dogo nga nakaanu dii do uminompit do hamin di oopudan-momohi doiti.

Poingkalaja zou doid iso komponi injiniol modsusupu (engineering design) id Petaling Jaya. Ih nopo bu'an ku nga songuhun ih omuhok po, ih poingkalaja haid do miampai pipio komponi di nointutunan id Pogun Molikan. Modsupu om papahabus izikoi do chip komputol tabaa (smart computer chips) montok do bakakas Ietronik kavagu. Ih nopo tiningan dagai minodsupu nga pootodon dagai doihio id Pogun Sina do todoon poguhu ih padagangon pototongkop pomogunan.

Mogkongoo oh pogigizon do paganakan ku. Ih savo ku nopo nga songuhun akaunton ih poingkalaja do id iso komponi kiupis sompomogunan. Pakalaja zosido mantad daamin. Kotouhuzaan do intonit (broadband access) nopo doid Malaysia nga ih tavasi no kozo doid sompomogunan, ih papakavasa do mohoing tondu ngavi miaga di savo ku, do pakalaja mantad daamin do pointamong di tanak ngavi dioho.

Monongkotohud ngavi itia paganakan tongomuhok miaga dagai do kosivatan ekonomi doid pogun dotokou. Gaji nopo dagai nga kohobi mantad di gugunoon dagai do tikid tadau. Kaanu izikoi do popoobi do 30% mantad di gaji dagai do gunoon do montok kopogiuman kousinan do timpu touvi tadau. Kaanu izikoi do mooi pimbo'ombo do insan sountoun om nokoponoodo nogi izikoi do tabung timpu dumonto montok di duvo tuhun tanak dagai.

Oimozo oh Malaysia doid pogun ngavi Koibutan-Kohisaon Asia (Southeast Asia) om do id pomogunan. Navahiu do hongkod do Koibutan-Kohisaon Asia iti Kuala Lumpur om nointutunan do sabaagi kakadazan tagazo sompomogunan di kohimo oh vinsi do izonon. Iti no Kuala Lumpur oh kakadazan tagazo di gumompi do tungkus koubasan do tuhun di mogisuvai-suva tinau di mogigizon id piuhamaagan kaampai no toinsanan pisuk pogigizon. Ih nopo kinopogukaban do hongkod do Islamic World Central Bank di toun 2019 nga nokopoimbuhai do ningkokoton do Kuala Lumpur sabaagi do iso mantad di himo takavas no kopizo do hongkod kousinan doid pomogunan.

Agazo oh ginavo ku do nadadi oh Malaysia do pog'i'hian do pogun ngavi mantad Kohisaon om Kotonobon. Toiso-iso di kakadazan tagazo dagai mantad Perlis gisom Johor, Kota Bahru gisom Kuala Lumpur, nokopiomet maza do kulita ki'injin humondoi di tongoidau om doun teknoloji

tongopiodo. Kapapanao do koupisan kopolintaan nga nakabaagi doid pototongkopo pogun om ih kapadsakazan tangavasi nga nakapanasang do tuhun ngavi.

Tuhun Malaysia nopo nga ih topuavang no doid Koibutan-Kohisaon Asia (Southeast Asia) do timpu baino. Also dii do kohominan di kitoomoon do id siibo RM4,000 sombuhan. Ih nopo sanganu-tana ngavi ih pungaanan haid do "momo-mohos", nga nokopuavang doid pomutanaman om industri tongonini, miampai minonunda do tana dioho.

Oimozo do suvai pogun oh tinoonong dagai do id Malaysia sundung ih ma do mogisuvai-suva oh tina'u. Kataanangan kinoizonon mantad do pisaan do tina'u ngavi nopo dit, nga nokopinto do kinabaahan om vinsi-vaza kalaja do Tinimungan Kisnjata Malaysia (Malaysian Armed Forces) ih nointutunan do ih tavasi no kozo doid koumhigan id potongkop Koibutan-Kohisaon Asia (Southeast Asia).

Ih nopo kiguno no kozo nga, agazo ginavo ku do kopolintaan Malaysia di noihaan do kikutukangan papabaagi om popopuavang toiso-iso tuhun.

Ginumu nopo di Tabung Pusakag (Heritage Fund) ih pinotimpuu di opod toun nakatahib nga nokodimpot no do RM124 billion, mantad no do asil do tumau om gas di pinoopi dagai montok timpu dumonto. Kotoimo ngavi iti tuhun do podsikulan gisom univosity om kotoinaan kohidasan taiso kabalai. Malaysia nopo nga pogun di siiso no doid kinoizonon tagazo di kivaa kapanaakan sakada kumaa doid koonduan nangasavo ngavi sabaagi do sistem koumatan sompogun (national welfare safety net system).

Songian zou nopo kotombuhui do suvai pogun ontok do papapanau pongindopuan ku, agazo ginavo ku do kikoimazaan izioho doid pogun ku. Oimozo dioho oh toihaa dotokou do momoguno do demokrasi. Ih nopo kotonan koundangan (judiciary) dagai di minsosondii nga kapanaak do gontob di tonudon do sompomogunan. Notuidong iti kinobuuon ekonomi mantad ababazan ekonomi di akavas oh koponginvoguvan, kopogi'hian doid industri tonini om piintangaan (SMIs). Nadadi iti do iso poombitanan di nokobuu om pog'o'ohiban do suvai pogun.

Agazo ginavo ku tu pointunud oh pamanaan do Malaysia do timpu baino manatd no do kinontuan dagai songovian, itia layat, di opod toun nakatahib di ontok pinongundian di toun 2013. Ontok no dii do koinsan ku nogi do minongundi. Baino nopo, songian do bi'on ku iti koposizon do nokopinsosondii nodii sabaagi do iso pogun, miampai agazo kahansanan do timpu dumonto do Malaysia, agazo ginavo ku do nakaampazat ditia sinakagon di minoginuod montok do kaahanan. Agazo ginavo ku do nokopotinduhan do nasip pogun tokou di ontok toun dii.

Muhammad Adlan bin Azrus
Damansara



MANIFESTO DO LAYAT

PINIUPAKATAN DI KAHANSANAN DO LAYAT



MANIFESTO DO LAYAT

KOUMATAN DO TUHUN NGAVI



- Popotuun gatang tumau
- Popotuun kabalai babang lotilik
- Popotuun kabalai vaig
- Mongidu do kabalai toll (toll charges)
- Mongidu kapamajakan
- Popotuun gatang kulita
- 150,000 hamin tangavasi om oopudan-momohi
- Kotinanan Pomuhominan Sompogun: papaapu RM5 billion do toun koiso om RM2 billion do toun sumusuut ponoodo hamin tangavasi om di oopudan-momohi

- Podzikulan taiso kabalai montok toinsanan, mongidu do PTPTN
- Mongidu AES, momohiong toinsanan saman AES
- Kopotutan montok monununda FELDA
- Popoinsavat do ginumu kapanalasazan di kahasaan di toguvangon do Pulis
- Kotindaazan doid hamin pongusapan polinta di taiso kabalai kalas 1 om 2
- Popoinsavat Kordonuhungan Koumatan Sosial kumaa do RM550 sombuhan

POGIOBPIPIOIZAN DO TUHUN NGAVI



- Kapamantangan do ningkokoton do Islam sabaagi adat pogun om koponuhukan do kobibasan adat miaga di nokoimagon doid Koundangan Pisompuuan
- Popoinsavat do koubasanan sabaagi do impoon do momo'mogun
- Tabung Kapanaakan Koonduan Malaysia: kapanaakan do RM50 sombuhan montok sinavaan di kapadan, om sansavo ngavi di apadan do manaak tabung kapanaakan tumanud di asil kalaja dioho (id piahatan RM10 gisom RM100 sombuhan). Ih nopo ginumu do kapanaakan nga kavasa do pohobuson di sinavaan tumanud kaantakan miaga do piadaan, koumbakan au miho ihian, kohigaganan om songian kodimpot do 50 toun umul.
- Skim Bonus Tuhun Mohoing (60 toun om id savat): RM1,000 Bonus potitikid toun
- Migit do boos kabansaan, monuhuk do kopotutan do boos-tinau ngavi, om popomogot do toihuan boos Onggilis
- Tutuhung pinatamba do RM300 songuhun dazanak sikul sontoun montok do 1,854 sikul kougamaan tuhun ngavi, sikul kabansaan Sina om

- Tamil (SJK), Sina, Tamil, Iban, Kadazan minsosondii ngavi om sikul ngavi doung Mission.
- Monoimo do sotifikit Unified Examination Certificate (Combined Chinese Schools) (UEC)
- Mamantang ningkokoton do Sabah om Sarawak do id Pisompuuan – pitabangan doid pisompuuan, kaampazatan taadang, kopododizan momo'mogun, koponoimaan do Kootulan Tanan komohoingan, kabaahan om toihuan do Sabah om Sarawak, kaadangan doid hal tumau, om kubo'on sangampangan
- Ababazar taagab montok Sabah om Sarawak – mongidu sistem kabotaj, popotimpuin do pongunsub kopongindopuan do papadadi pakalaajan, komponi tumai doung polinta Sabah om Sarawak, talun-alun tagazo dumaapas Sabah om Sarawak, popotood do kapanadaan tana-sinukung di kopomunso do kinoizonon posoiki om kopoguzazang do tuhun momogun
- Momogompi do kootulan tana komohoingan om koumatan do Orang Asli

PINIUPAKATAN DI KAHANSANAN DO LAYAT



EKONOMI DO TUHUN NGAVI

- Sojuta kosivatan pakalajaan kavavagu montok do tuhun ngavi maza do koponguangan do pakakalaja mantad dahabus pogun
- Tuvou gaji (minimum wage) do RM1,000 sombuhan; RM2 billion tabung kapanaan do monimpuun tuvou gaji.
- Skim Kopoguahanan Do Tuhun Ngavi: Momohuda do sojuta komuhakan kahahapas sikul di taiso sikul takavas do popomogot di toihuan doid gana kotukangan, popisamo do kosivatan pakalajaan om kapanaakan sotifikit di kotukangan.
- 5 univosity tiknikol om 25 sikul vokisonol kavavagu do tuidongan
- Kopotonduhanian do podsikulan do popobuu do ekonomi
- Papatanom do piopuvan tabaa (smart-partnership) do tinimungan pakakalaja, mongingindapu om polinta
- SMI ngavi om kotukangan vagu do popobuu do ekonomi sompogun – RM500 juta tabung kotukangan vagu, pongusin do SMI om pongunsub do kopogiaha-hanan
- Sukai koponimbanan do popomogot kopoopuvan – papahaab do income band mooi do kaanu nodii do mambalai do tax rate kiginumu 26% montok taxable income di kohobi RM400,000 (babaino nopo nga RM250,000)
- Ekonomi di otoina – popotood do kalaja ngavi do Lynas, mintong mahik do ningkokoton do RAPID, popotonduhan do koundangan kokomoi do panagadan kazu, om moguhud kootulan do panagadan kazu
- Mintamong do ekonomi om koumatan do susumangod nongokotuo – RM500 juta montok do Tabung Kopongindopuan Tonini Doung

Susumangod Tongotuo, poinsavaton oh kapanaakan polinta kumaa doid Armed Forces Fund Board (AFFB) mantad 15% kumaa do 20% (kuasaon poimpidan mantad do pension funds), Soldiers' Dividend nopo nga kaampai no ih non-pensionable susumangod tongotuo do kumaa RM2,000 sontoun.

- Popobuu kopongindopuan do teksi miampai papataak kasagaan (permits) tutulus kumaa doid papapanau teksi ngavi
- Poinsavaton kopoovuvan doid R&D gisom koikot 5% do mantad di GDP
- Kotoinaan padsakazan – ih tundu-undu do ekonomi pototongkop pogun – padsakazan tuhun ginumuan taiso kabalai montok di au kadansaan, palan nokopisamo do MRT om baas ngavi doid Klang Valley, RM2 billion do popogumu do baas om lahan baas vagu, maganu haang do monoodo do sistem injin humondoi tongoidau id piahatan do kakadazan tangagazo di kumoiso nogi do id Koibutan-Kohisaon Asia
- Momunso do kapamajakan mooi do ounsub nodii oh pogihihian – Anti-Monopoly Commission, Public Contracts Commission ih mongiho do koponoimaan tuhun ginumuan do IPP om kaptakan kontrak di au a'adang, momunso do kapamajakan do id piindahanan, takanon di gugnoon, kopongusapan, kotuhudan om susuvai hivang, momunso do 1MDB, tender poingukab, kapataakan om kopodohinan do komponi do polinta ih id komponi-kogompi kopolintaan (GLCs) maza management buy-out (MBO) do kopoimbuhai nodii do hobi ginumu mongingindapu.

POLINTA DO TUHUN NGAVI



- Popouhan do ih doung Islam om kotinananan kouga-maan ngavi
- Kopomogojihan om kapakalajaan montok pakakalaja polinta
- Pomihian di tohidang, otuhid om poinvuhai
- Popouhan do koundangan, Attorney General's Chambers, MACC om PDRM
- Popouhan do Parliamen
- Kopinsosondian do koponuatan abal om papabahik do koimazaan kumaa doid pakakalaja koponuatan abal

- Momunso do UUCA om monuhuk do kobibasan do kopimbalajalan
- Mongidu do kootulan ih "anti-rakyat"
- Corruption Elimination Policy (DEBARAN) – mongumbasi do MACC do popotuntug kalaja doid kiis koponuapan tangagazo di kapaampai do kopotutan tuhun ginumuan, popogiot kootulan ngavi kokomoi koponuapan